



UNIVERZITET "DŽEMAL BIJEDIĆ"

Ekonomski fakultet

Mostar

VODIČ ZA BRUCOŠE



Sjeverni logor b.b



+387 36 514 912



ef.unmo.ba



ef@unmo.ba



O EKONOMSKOM FAKULTETU

Ekonomski fakultet Univerziteta „Džemal Bijedić“ u Mostaru je proistekao iz odjeljenja sarajevskog Ekonomskog fakulteta koje je u Mostaru osnovano 1971. godine.

Odjeljenje je preraslo u fakultet kao samostalna visokoškolska organizacija u 1976. godini.

Ekonomski fakultet danas u svom sastavu ima Institut za ekonomska istraživanja (naučno-istraživački rad za potrebe trećih lica), Centar za permanentno obrazovanje i Centar za mala i srednja preduzeća.

STUDIJI

Na fakultetu su organizovani:

- U okviru prvog ciklusa studija na Ekonomskom fakultetu studenti mogu odabrati **akademski dodiplomski studij** koji nudi specijalizaciju na 2 smjera Marketing menadžment te Finansije i računovodstvo. Po završetku akademskog dodiplomskog studija stječe se zvanje bachelor ekonomije (240 ECTS).
- **Akademski dodiplomski studij iz oblasti Poslovne ekonomije** prema programu iz akademске 2011/2012. traje četiri godine, a po završetku studija stječe se zvanje bachelor poslovne ekonomije (240 ECTS).
- **stručni studij** u trogodišnjem trajanju prema programu iz akademске 2011/2012. godine. a po završetku stručnog dodiplomskog studija stječe se zvanje bachelor poslovne ekonomije (180 ECTS).
- **diplomski/master studij** u jednogodišnjem trajanju koji nudi studentima mogućnost specijalizacije u tri oblasti – Poslovni menadžment, Menadžment finansija i Računovodstvo i revizija.
- **doktorski studij** pruža studentima stjecanje znanja i kompetencija za samostalni i timski naučnoistraživački rad u projektima od značaja za ekonomski razvoj Bosne i Hercegovine, kao i efikasnu primjenu tih znanja i kompetencija na različitim poslovnim pozicijama i procesima. Po završetku student stječe zvanje doktor ekonomskih nauka (120 ECTS)



"Ekonomija nije magija, ali može činiti čuda."
James Buchanan

#StudirajEFMO

Više informacija na:

@efmo.unmo

www.ef.unmo.ba



Misija

Edukacija i osposobljavanje stručnog i visokoobrazovanog akademskog kadra koji će uspješno odgovarati savremenim poslovnim izazovima, kao i naučnoistraživački rad i saradnja na državnom, regionalnom i međunarodnom nivou sa naučnoistraživačkim institucijama, vladinim i nevladinim institucijama i privredom, te podizanje stepena kvaliteta visokog obrazovanja u BiH.



MOGUĆNOSTI ZAPOŠLJAVANJA PO ZAVRŠETKU I CIKLUSA STUDIJA:

1. PRIVATNI SEKTOR

- Preduzetnik
- Menadžer nabave
- Menadžer prodaje
- Marketing menadžer
- Finansijski menadžer
- Računovođa
- Interni revizor
- Menadžer ljudskih resursa

2. JAVNI SEKTOR

- Stručni saradnik
- Državni službenik
- Professor ekonomske grupe
- predmeta


3. NEPROFITNI SEKTOR

- Projektni menadžer
- Savjetnik
- Izvršni direktor

Vizija

Postati moderna, progresivna i otvorena visoko obrazovna ustanova prepoznatljivog imidža, tržišno orijentisane organizacije koja pruža obrazovne usluge vrhunske kvalitete.





STUDENTSKA PRAKSA



U sklopu školovanja na Ekonomskom fakultetu studenti imaju priliku da obave jednomjesečnu praksu. Zahvaljujući jednomjesečnoj praksi studenti mogu da upotpune teoretske znanja s praktičnim te pripreme se za tržište rada.

Mnogi studenti nakon obavljanja prakse dobili su mogućnost nastavka rada u različitim organizacijama, stoga ovo iskustvo ima višestruke benefite za njih. Ekonomski fakultet ima niz potpisanih Memoranduma sa različitim preduzećima što studentima pruža mogućnost izbora preduzeća u kojem žele da se upoznaju sa poslovnim procesima i steknu dodatna znanja. Osim studentskih praksi, studenti kroz školovanje na Ekonomskom fakultetu susreću se sa različitim iskustvima koji im jačaju komunikacijske sposobnosti, pregovaračke i prezentacijske vještine.

Benefiti studentske prakse:

- Usavršavanje vještina,
- Umrežovanje,
- Upotpunjavanje CV-a,
- Stjecanja poslovnih vještina,
- Mogućnost zaposlenja.



Studenti Ekonomskog fakulteta učesnici su mnogih edukacija, konferencija, treninga i ljetnih škola što im pomaže da upotpune svoja znanja, upoznaju profesionalce iz različitih sektora ekonomije i čuju stvarne priče o postizanju uspjeha. Ekonomski fakultet bio je organizator i suorganizator brojnih konferencija među kojima su najznačajnije:

- *CEO konferencija;*
- *Međunarodna naučna konferencija "Pravni i ekonomski aspekti procesa integracija Bosne i Hercegovine u Evropsku uniju";*
- *Konferencija o kulturnom turizmu, u okviru Erasmus+ projekta CulturWB,*
- *Svečana akademija povodom obilježavanja godišnjice osnivanja Ekonomskog fakulteta.*



Cilj Ekonomskog fakulteta je pružiti studentima kvalitetno iskustvo studiranja koje obuvata optimalnu kombinaciju teorijskog i praktičnog znanja traženog na tržištu rada.

Vodimo se izrekom da znanje pokreće planine, a naše studente motivišemo da svakodnevno uče i šire svoje vidike i znanja.



Međunarodne razmjene



Nastavno i nenastavno osoblje Ekonomskog fakulteta učestvovalo je na mnogim Erasmus + razmjenama te ostalim međunarodnim razmjenama u svrhu treninga, edukacije i prenošenja stečenih znanja. Također studenti imaju mogućnost studiranja u drugoj državi tokom jednog ili dva semestra, što im dodatno pomaže na individualnom i profesionalnom putu. Tokom međunarodne saradnje studenti imaju na raspolaganju stipendiju koja pokriva troškove života u datoj zemlji. Osim koristi pojedinaca, akademska mobilnost pridonosi razvoju visokog obrazovanja. Mobilni studenti i nastavnici nosioci su novih ideja i novih kontakata, čime utječu na povećanje međunarodne saradnje među visokoškolskim ustanovama

Saradnje Univerziteta "Džemal Bijedić":

- 42 Erasmus+ mreža međunarodne kreditne mobilnosti
- 11 Erasmus+ projekta izgradnje kapaciteta
- 13 bilateralnih Mevlana programa razmjene sa visokoškolskim institucijama iz R. Turske
- 2 IPA projekta
- 1 FP7
- 1 FP6
- 2 USAID projekat
- 1 DAAD projekat
- 1 EUREKA
- 3 COST
- 2 HORIZON



Kancelarija za međunarodnu saradnju
www.iro.unmo.ba





UNIVERZITET "DŽEMAL BIJEDIĆ"

Ekonomski fakultet

Mostar

Dragi bruceši Ekonomskog fakulteta Univerziteta „Džemal Bijedić“ u Mostaru, ovo je početak Vašeg akademskog puta koji će vam pružiti priliku da steknete znanje, razvijete svoje vještine i postanete stručnjaci u oblasti ekonomije. Želimo da Vaše studentske dane pamtite u što boljem svjetlu iskoristivši sve što Vam naš Fakultet nudi. Razmjene i mobilnosti, edukacije, treninzi, studentske prakse, posjete preduzećima širom Bosne i Hercegovine pružit će Vam temelj za uspješnu karijeru. Fakultet koji ste odabrali svojim programima i aktivnostima kontinuirano dokazuje kako kvaliteta obrazovanja počiva u dobro organizovanom sistemu, zahvaljujući kvalitetnim i stručnim kadrovima te interaktivnim i savremenim načinima prenošenja znanja.

Na kraju, ne zaboravite da Vam Vaše obrazovanje na Ekonomskom fakultetu otvara mnoga vrata u karijeri. Vaša predanost i uspjeh na ovom putu će Vam pružiti velike mogućnosti za napredovanje i ostvarenje Vaših profesionalnih ciljeva.

Dobro nam došli! Želimo Vam svaku sreću pri studiranju.

Mi gradimo budućnost, pridružite nam se.